

Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat

Aalisarnerup pillugu Inatsisartut inatsisaanni nr. 29, 23. maj 2024-meersumi § 5, imm. 3, § 14, imm. 1, § 15, § 46 aamma § 68 imm. 2 aamma 3 naapertorlugit imatut aalajangersaasoqarpoq:

Kapitali 1 Atuuffia nassuiaatillu

Atuuffii

§ 1. Nalunaarut aalisariutinut Kalaallit Nunaanni nalunaarsorneqartunut inuussutissarsiutigalugu aalisartartunut atuuppoq.

Imm. 2. Allamik immikkut isumaqatigiissuteqartoqarsimanngippat nalunaarut angallatit nunanit allameersut imaluunniit nunami allamiut angallataat atorlugit inuussutissarsiutigalugu aalisarnermi imartani Kalaallit Nunaata aalisarnikkut oqartussaaffigisaani kiisalu nunami allamiut angallataannut Kalaallit Nunaata aalisarnikkut oqartussaaffigisaata avataani kalaallit pisassaannik aalisartunut atuuppoq.

Nassuiaatit il. il.

§ 2. Nalunaarummi matumani uku imatut paasineqassapput:

- 1) "Aalisarnerup pillugu inatsit": Aalisarnerup pillugu Inatsisartut inatsisaat.
- 2) "Tunngaviusumik killeqarfiit": Tunngaviusumik killeqarfiit Kunngip peqqussutai naapertorlugit Kalaallit Nunaata imartaata killeqarfiit sukulluunniit atuuttut aalajangersarneqartut.
- 3) "Kalaallit Nunaata Kitaa": NAFO-p imartaata ilaa 1, Kalaallit Nunaata aalisarnikkut oqartussaaffianiittoq.
- 4) "Tunu": ICES-ip imartaasa II-p, V-ip, XII-ip aamma XIV-ip ilaat Kalaallit Nunaata aalisarnikkut oqartussaaffigisaaniittut.
- 5) "Atortut immap naqqarsiutit": Nalinginnaasumik aalisarnermi atortut immap naqqanut tuttartut imaluunniit tussinnaasut.
- 6) "Aalisarnermi atortut uninngasut": Aalisarnermut atortut sulluunniit, atorneqarneranni immakkut ingerlatittariaqanngitsut, matumani ilanngullugit qassutit takisuut puttaquteerallit, qassutit nigartakinnerit kivisittakkat, qassutit nivinngartakkat, qassutit kivisittakkat, bundgarnit, ningittakkat, immap naqqaniittut pullatit aamma pullatit.
- 7) "Aalisarnermi atortut kalinneqarsinnaasut": Aalisarnermi atortut sulluunniit atorneqarneranni immakkut kalinneqartariaqartut, pingaartumik atortut kalinneqarsinnaasut, atortut sanianniittut, qalorsuit, qalorsuit kaajallakkiartortit atortullu kalinneqarsinnaasut assigisaat.
- 8) "Qeqertarsuup Tunuani ikkannersuaq": Aqutsiveqarfik avannarpasissuseq 68°00'N aamma avannarpasissuseq 70°45'N-ip akornanniittoq, kippasissuseq 56°00'V-ip aamma kangimut tunngaviusumik killeqarfimmit killeqartinneqartoq, takuuk ilanngussaq 1.
- 9) "Sisimiut eqqaanni ikkannersuaq": Aqutsiveqarfik avannarpasissuseq 66°00'N aamma avannarpasissuseq 67°00'N-ip akornanniittoq, tunngaviusumik titarnerup atuaqqissaarlugu kimmut 6 sømilinik ungasissuseqartumut tunngaviusumillu titarnerup kangianut killeqartinneqartoq, takuuk ilanngussaq 1.
- 10) "PNNP-mik aqqissuussaq": aqutsiffiusoq aalisarnermut inatsimmi kapitali 7-imi pineqartoq.

11) "Aqutsiveqarfik 47": Imartaq Kalaallit Nunaata Kitaani tunngaviusumik killeqarfup 3 sømilit tungaanut titarnerup iluaniittoq, kujammut avannarpasissuseq 68°30'N-imi avannamullu avannarpasissuseq 75°00'N-imi taakkualu kangerluttaanni killeqartinneqartoq (Qeqertarsuup Tunua kiisalu Uummannap sullua aamma Upernaviup eqqaa).

12) "A.t.t": angallatip tamakkiisumik takissusaa, angallatip siorpiaaniit aqorpiaanut qeqqa atuarlugu uuttortarneqartoq (angallatip tamakkiisumik takissusaa).

13) "KANUAPNA": Kalaallit Nunaanni Aalisarnermut Piniarnermullu Nakkutilliisoqarfik.

Imm. 2. Aalisarnermut inatsimmi oqaatsit nassuiaatai nalunaarummi uani aamma atuupput.

Imm. 3. Aalisarnermut pingaaruteqarnerpaanut aqutsiveqarfiit attuumassutillit Aalisarsinnaanermut akuersissutit pisassiissutillu pillugit nalunaarummi takuneqarsinnaapput.

Imm. 4. Nalunaarummi sumiiffiit taaneqartut WGS84 naapertorlugu nalunaarsorneqarput, imartat assingitut Kalaallit Nunaannut atuuttunut iluarsiissutinik iluarsisarlugit.

Imm. 5. Nalunaarummi uani angallatip angissusaanik aalajangersakkat tassaapput angallatip uuttuutaanut uppernarsaammi uuttuut allassimasooq, uuttueriaatsit pillugit maleruagassat sorliit angissusaanut matumani uuttuummik atulersitsinermut tunngaviliisuusimanersut apeqqutaatinnagit.

Imm. 6. Nalunaarummi uani nigartaqqortussuseq najoqqutarineqartoq tassaavoq nigartap tamakkerluni iluatungimigut nerutussusiata uuttuutaa, taamaattorli saattuanut pullatit nigartaasa angissusaat uuttorneqassapput nigartat affaannut uuttortartarlugit. Qalorsuit nigartaqqortussusii qalorsuit ilaannut tamanut atuupput.

Imm. 7. Nigartat angissusii nalunaarutip uuma ilanngussartaani 2-imi allassimasutut aalajangersarneqarput.

Kapitali 2

Nunap immikkoortuini killeqarfiit

Aalisarnerup sinerissamut killinga

§ 3. Nalunaarummi uani allamik allassimasoqanngippat sineriak kangerluilu ilanngullugit Tunumi Kitaanilu sineriak Kalaallit Nunaata Kitaata eqqaani aamma Tunup eqqaani killeqartinneqarpoq, Nunap Isuata avannarpasittuaniittutut.

Sumiiffik sineriaap aamma tunngaviusumik killeqarfimmit 3 sømilit akornanniittoq

§ 4. Sumiiffimmi sinerissap tunngaviusumillu killeqarfimmit 3 sømilit akornanni angallatinit 24 meterit a.t.t. imaluunniit 120 BT anginerusulluunniit aalisaaqusaanngillat, taamaattoq imm. 4 takuuk.

Imm. 2. Imm. 1-imi sumiiffinni inerteqquteqarneq aamma unguisutit qalorsuilluunniit atorlugit qaleralinniarnermi, suluppaagarniarnermi, nataarnarniarnermi qeerarniarnermilu aalisarnermut tamanut atuuppoq.

Imm. 3. Imm. 1-imi inerteqqummit ilaatinneqanngitsut tassaapput:

1) Raajarniarnermi.

2) Uiluinniarnermi.

Imm. 4. Imm. 1-imi aalajangersagaqaraluartorluunniit, angallatit kapisilinniarnermi peqataasut takinerpaamik 12,8 meterinik a.t.t. takissuseqassapput.

Imm. 5. Kommunalbestyrelsit pisinnaatinneqarput imm. 2-imi inerteqqut apeqqutaatinnagu qaleralinniarni qassutinik qalorsuarnillu aalisarnissamut kommunimi ileqqoreqqusaliornissaminut. Taamatut akuersissuteqarneq piffissamik nunallu immikkoortuanik killeqartinneqassaaq.

Imm. 6. Tunngaviusumik killeqarfup iluani unguisutit imaluunniit qalorsuit atorlugit saarullinniarniit tamarmik inerteqqutaapput.

Imm. 7. Aalisarnermut Naalakkersuisup suliaqarfimmut akisussaasuusup nunap immikkoortuini aalajangersimasuni sumiiffinni killilikkani utaqqiisaasumik imaluunniit inerteqqut imm. 6-imi taaneqartoq tamakkiisumik ilaannakortumilluunniit atorunnaarsissinnaavaa. Atorunnaarsitsineq qinnuteqaateqartoqarneratigut pissaaq, naliliinermilu Kalaallit Nunaanni Pinngortitaleriffik aamma sumiiffinni pineqartuni soqutigisaqartut attuumassuteqartut peqataasinneqassapput. Atorunnaarsitsineq pillugu aalisarnermut Naalakkersuisup suliaqarfimmut akisussaasuusup pisortatigoortumik nalunaarutigissavaa.

Raajarniarneq immikkut pillugu

§ 5. Tunngaviusumik titarnermit 3 sømilit iluini, Sisimiut eqqaanni ikkannersuarmi aamma Qeqertarsuup Tunuani ikkannersuarmi aalisariutit 50 meterit a.t.t. takissusillit imaluunniit naannerit aamma 1.250 BT usisinnaassusillit imaluunniit mikinerit raajarniarnissamut taamaallaat akuerisaapput, taamaattorli imm. 3 aamma imm. 5 takukkit.

Imm. 2. Raajartat sumiiffinni Sisimiut eqqaanni ikkannersuarmi aamma Qeqertarsuup Tunuani ikkannersuarmi pisarineqartut angallammi suliareqqitassanngorlugit passunneqaqqusaanngillat, nunamulli tunisassiorfimmi suliareqqitassanngorlugit tulaanneqassapput, taamaattorli imm. 4 takuuk.

Imm. 3. Ingerlataqartunut septembarip 15-iat 2026 tungaanut angallateqartunut imm. 1 naapertorlugu aalisarfusinnaasutut taasanut aalisarsinnaanermut akuersissuteqarsimasut, taamaattorli taaneqartutut piumasaqaatinik naammassinissimanngitsut, angallammik taassuminnga atuillutik suli sumiiffimmi aalisarnissaminut akuersissummik tunineqarnermikkut akuerineqassapput. Taakkunannga raajartat pisarineqartut angallammi suliareqqitassanngorlugit passunneqaqqusaanngillat, nunamilli tunisassiorfimmut suliareqqitassanngorlugit tulaanneqassapput. Ingerlataqartup angallatini taarsissappagu imaluunniit ulluni tulleriiginnarni 120-ni akuersissut angallammut atassusersimanngippagu akuersissut atorunnaassaaq.

Imm. 4. Ingerlataqartunut septembarip 15-iat 2026 tungaanut aalisariummi Qeqertarsuup Tunuani ikkannersuarmi sumiiffimmi 68°00'N aamma 70°20'N-imi pisaminnik suliareqqiinissamut akuersissuteqarsimasut, angallammik taassuminnga atuillutik suli sumiiffimmi aalisarnissamut akuersissummik tunineqarnermikkut akuerineqassapput. Ingerlataqartup angallatini taarsissappagu imaluunniit ulluni tulleriiginnarni 120-ni akuersissut angallammut atassusersimanngippagu akuersissut atorunnaassaaq.

Imm. 5. Imm. 1-imi killiliinerit apeqqutaatinnagit angissusaa apeqqutaatinnagu angallatit atorlugit raajarniartoqarsinnaavoq, taamaalillutik taakku:

- 1) Sumiiffimmi 61°00'N-miit 64°10'N tikillugu piffissami novembarip aallaqqaataaniit martsip 31-ia ilanngullugu tunngaviusumik killeqarfiup iluani aalisarsinnaallutik.
- 2) Sumiiffimmi 71°30'N-ip avannaani tunngaviusumik killeqarfik tikillugu aalisarsinnaallutik.
- 3) Ilanngussaq 1 naapertorlugu llorsuit ikkannersuanni aalisarsinnaallutik.

Qaleralinniarneq immikkut pillugu

§ 6. § 4, imm. 1-imi aalajangersagaq apeqqutaatinnagu, aqutsiveqarfimmi 47-mi angallatit 15 meterinit a.t.t.-mit takinerit qaleralinniaqqusaanngillat. Angallatilli 31,99 BT-mit minnerusut ukiup pisassiissuteqarfiusup sioqqullugu aqutsiveqarfimmi aalisarsinnaanermut akuersissutaateqarsimasunut sumiiffimmi aalisarsinnaanermut akuersissutinik suli tunineqartassapput.

Imm. 2. Kalaallit Nunaata Kitaani avannarpasissuseq 64°30'N aamma avannarpasissuseq 68°00N akornanni qalorsuarsorluni qaleralinniarneq inerteqqutaavoq.

Saattuarniarneq immikkut pillugu

§ 7. Kalaallit Nunaata Kitaani sumiiffinni ukunani saattuarniarneq inerteqqutaavoq piffissanilu ukunani:

- 1) sumiiffiup 66°00'N-ip avannaani piffissami januarip aallaqqaataaniit martsip 31-ia ilanngullugu, aamma
- 2) sumiiffiup 60°45'N aamma 64°15'N-ip akornanni piffissami juunip aallaqqaataaniit juulip 31-ia ilanngullugu.

Uiluinniarneq immikkut pillugu

§ 8. Sinerissap tunngaviusumillu killeqarfiup 3 sømilit avataanni imartami sinerissap tunngaviusumillu titarnerup killinganit 3 sømilit avataanni, angallatit inuussutissarsiutigalugu uiluinniartut, angallatip angissusia apeqqutaatinnagu, aalisarsinnaapput.

Imm. 2. Uillut il.il pillugit Kalaallit Nunaannut nalunaarut kingornalu allannguuteqartinneqartuq naapertorlugu uiluinnik misiligutinik tigusani nassiunneqartunilu uiluiit toqunartoqartut Inuussutissalerinermut Aqutsisoqarfimmit paasineqarpat, aalisarnermut Naalakkersuisoq suliaqarfimmut akisussaasuusup sumiiffimmik uiluinniarfusumik tamakkiisumik ilaannakortumilluunniit matusisinnaavoq.

Imm. 3. Aalisarnermut Naalakkersuisup suliaqarfimmut akisussaasuusup sumiiffik uiluinniarfusooq tamakkiisumik ilaannakortumilluunniit ammaqqissinnaavaa Inuussutissalerinermut Aqutsiveqarfiup sumiiffik ammaqippagu.

Saarullinniarneq immikkut pillugu

§ 9. Sumiiffinni ukunani, ilanngussaq 3 naapertorlugu, piffissami suffiffiusumi martsip aallaqqaataanniit maajip 31-iannut saarullinniarneq inerteqqutaavoq:

- Kleinep Ikkannersua
- Tovqussap Ikkannersua
- Danap Ikkannersua
- Kapisillit kangerluata qinnguani aamma Amerallip kangerluata qinnguani
- Ikertoq-kangerluata qinnguani aamma Qeqertaliup kangerluata qinnguani

Kapitali 3

Piffissatigut killiliineq

Nipisanniarneq immikkut pillugu

§ 10. Aalisarnermut Naalakkersuisoq suliaqarfimmut akisussaasuusoq ukiut tamaasa nipisannik arnarlunniarnermut piffissamik aalisarfiusussamik, sivisunerpaamik ullunik 60-inik sivissuseqarsinnaasumik aalajangersaasassaaq. Piffissaq aalisarfiusoq aqutsiveqarfikkaartumik aalajangersarneqartarpoq kiisalu najukkani tunisassiorfiit aalisarnermullu peqatigiiffiit sinniisuutitaannik isumasiorneqareertarlutik. Aalajangersimasumik piffissaliussap avataatigut nipisanniarneq inerteqqutaavoq.

Imm. 2. Imm. 1 naapertorlugu aalisarneq taamaallaat aprilip aallaqqaataaniit juulip 16-ia ilanngullugu pisinnaavoq.

Imm. 3. Imm. 1 naapertorlugu aalajangersimasumik piffissaliilluni nipisannik arnarlunniarniarfissap nalaani kiisalu piffissaq januaarip 31-ianiit martsip 31-ianut nipisannik angusallunniarneq taamaallaat akuerisaavoq.

Imm. 4. Aalisarnermut Naalakkersuisoq suliaqarfimmut akisussaasuusoq suliaqartunut ataasiakkaanut piffissaliussanit siusinnerusumik nipisanniarnissamut immikkut akuersissuteqarnermik nalunaaruteqarsinnaavoq aalisarnerup ammaannissaanut tunngaviit misissorniartugit.

Imm. 5. Aalisarnermut Naalakkersuisoq suliaqarfimmut akisussaasoq aalisarnerup matuneqarnissaata kinguartinneqarnissaanut immikkut akuersinermik nalunaaruteqarsinnaavoq. Ulluni ataqatigiissuni sivikinnerpaanik qulini tunisisoqarsimannginnera KANUAPNA-mit uppersarneqarsinnaappat, tamannalu sikoqarneranik peqquteqarsinappat taamaallaat kinguartitsisoqarsinnaavoq. Taamaattoqarpat sikoqarnera pissutigalugu ullunik aalisarnerup ingerlanneqarsinnaannginnerata amerlaqataanik aalisarnerup matuneqarnissaa kinguartinneqarsinnaavoq.

Kapisilinniarluni aalisarneq immikkut pillugu

§ 11. Aalisarnermut Naalakkersuisoq suliaqarfimmut akisussaasoq najukkami aalisartut peqatigiiffi isumasioreerlugit inuussutissarsiutigalugu kapisilinniarluni aalisarnerup aallartinnissaata ullua aalajangersartassavaa. Ulloq aallartiffissaq, pisassiissutinik aalajangersaaneq kiisalu taakkununga piumasagaatit www.naalakkersuisut.gl-imi saqqummiunneqassapput.

Imm. 2. Imm. 1-imi ulloq taaneqartoq sioqqullugu kapisilinnik aalisarneq aallartinneqaaqusaanngilaq.

Imm. 3. Kapisilittassiissutit aalajangikkat tamakkerlugit pisinneqarnissaat qanillippat, Aalisarnermut Naalakkersuisup suliaqarfimmut akisussaasuusup pisortatigoortumik nalunaarutigissavaa qaqugu inuussutissarsiutigalugu kapisilinnik aalisarneq kiisalu taamatut aalisarnermit pisanik pisineq aamma tunisineq unissasoq. Aalisarunnaarnissaq sioqqullugu atortut qaqinneqassapput.

Imm. 4. Imm. 3-mi ullup taaneqartup kingorna kapisilinniarneq inerteqqutaavoq.

Kapitali 4

Atortunik killilersuineq

Aalajangersakkat nalinginnaasut

§ 12. Aalisaatit uninngaannartut silap pissusaata tamanna pisinnaatippagu akulikitsumik napitaajarneqartassapput, pisat pitsaassusaat ajorneruleqqunagu.

Imm. 2. Aalisaatit uninngaannartut ima inissinneqassapput; kangerluit, kangerliumanerit, ikerasannut kuuillu akuinut assigisaanulluunniit assersuissanatik kiisalu aalisaatit allunaasalluunniit imaluunniit atortulersuutit allat, aalisaa'inut atasut, isumannaatsumik sumiissusersiornernut angallannernullu ajoqutaasussaajunnaarsinneqassallutik.

Imartat uumasooqassutsimikkut navianartorsiorsinnaasut

§ 13. Aalisarnermut Naalakkersuisoq suliaqarfimmut akisussaasoq aalajangiisinnaavoq sumiiffiit imaani uumasooqatigiinnik mianernartunik uumaffiusutut isigineqartut immap naqqatigut kilisaffigineqarnissaannut imaluunniit immap naqqanut attuuttartunik atortoqarluni aalisarfigineqarnissaannut matussallugit.

Imm. 2. Aalisarnermut Naalakkersuisoq suliaqarfimmut akisussaasoq sumiiffiit matuneqartut pillugit tamanut pisortatigoortumik nalunaaruteqassaaq. Angallatinut nunani EU-mi ilaasortaasuni nalunaarsorneqarsimasunut nalunaarut EU-kommissionimut, kalaallillu angallatiginngisaannut allanut nunat ataasiakkaat aalisarnermik oqartussaasuinut nassiunneqassaaq.

§ 14. Aalisarnermut atortunik immap naqqatigoortittakkanik aalisarneq sumiiffinni makkunani inerteqquataavoq:

1) Atammiup eqqaani sumiiffik avannarpasissuseq 64°10'N aamma avannarpasissuseq 65°15'N Kalaallit Nunaata Kitaani kangimut killeqartinneqartoq aamma kimmuk sinerissamit tunngaviusumik killeqarfimmit 3 sømilimik avasinnerusup akornanni, takuuk ilanngussaaq 4.

2) Sioraq karsi sumiiffimmi Kalaallit Nunaata Kitaani titarnerit atuarlugit kimmuk titarneqarsimasup avannarpasissuseq 62°13,8'N aamma kippasissuseq 50°29,0'V, aamma tunngaviusumik killeqarfiup kangiata tungaanut avannarpasissuseq 62°44,0'N aamma kippasissuseq 50°38,7'V, takuuk ilanngussaaq 5.

3) Kalaallit Nunaata Kitaani avannarpasissuseq 60°22,9'N aamma kippasissuseq 48°25,5'V, avannarpasissuseq 60°22,1'N aamma kippasissuseq 48°24,9'V, avannarpasissuseq 60°21,3'N aamma kippasissuseq 48°25,9'V kiisalu avannarpasissuseq 60°22,1'N aamma kippasissuseq 48°29,6V, takuuk ilanngussaaq 4.

4) Qimusseriarsuaq, Kalaallit Nunaata Kita, takuuk ilanngussaaq 4.

Imm. 2. Kalittakkanik ningittakkanillu immap naqqanut attuuttartunik Kitaani Toqqusap ikkannerata kitaatungaani ilanngussaaq 6 malillugu aalisarneq inerteqquataavoq.

Sumiiffiit nutaat

§ 15. Imm. 2 naapertorlugu sumiiffimmi nutaami aalisartoqartillugu Aalisarnermut Naalakkersuisoq suliaqarfimmut akisussaasuusoq ingerlatsisumut immikkut piumasaqaateqarsinnaavoq, ilaatigut immikkut nalunaarusiortarnissamut aalisarnermilu nakkutilliisumik ilaasoqarnissaaq ilanngullugit.

Imm. 2. Aalisarnerit tamarmik Kitaani imartami avannarpasissuseq 74°00'N-p avannaani kippasissuseq 66°00'V-illu kitaani Tunullu imartaani avannarpasissuseq 71°00'N-ip avannaani immap naqqatigut aalisarnermut atortut atorlugit aalisarnerit tamarmik sumiiffinni nutaani aalisarnertut isigineqassapput.

Qassutit aamma nigartooqussutit

§ 16. Nigartat sanerai (sisamat tamarmik takeqqatigiit) assigiimmik sananeqaammik qilernernik sisamanik aalajangikkat taamaallaat atorineqarsinnaapput. Uanili pineqanngilaq ammassanniarnermi nigartat (arfinilinnik nalinginnaasumik takeqqatigiinnik) teqqequllit, arfinilinnik aalajangersimasumik katiguffilerlugit qilertallit nigartaliornermi atortut assinginik atortoqarluni nigartaliarineqartartut atorineqarsinnaapput.

§ 17. Aalisakkanik imm. 2-miit 7-mut taaneqanngitsunik aalisarnermi nigartaqqortussutisimut 140 mm-it minnerpaaffissatut atuupput.

Imm. 2. Qalorsuarsorluni nigartat uuttuutaasa minnerpaaffissaat tassaapput:

1) Raajat: 40 mm.

2) Eqalukkat, putooruttut, ammassat qaleraqanngitsullu: 16 mm.

3) Ammassassuit avaleraasartuullu: 32 mm.

4) Saarullernat: 35 mm.

Imm. 3. Qalorsuit atorlugit qalerallinniarnermi qalorsuit taliisa ata tungai minnerpaamik 100 mm-inik nigartaqqortussuseqassapput. Qalorsuit sinneri minnerpaamik 140 mm-inik nigartaqqortussuseqassapput.

Imm. 4. Qalorsuarnik ikerinnarsiutinik suluppaagarniarnermi qaluni nigartaqqortussutsimut 100 mm-it minnerpaaffissatut atuupput.

Imm. 5 Qassutinik aalisarnermi nigartat uuttuutaasa minnerpaaffissaat tassaapput:

- 1) Nipisat: 260 mm.
- 2) Eqaluit: 100 mm.
- 3) Qalerallit: 190 mm.
- 4) Saarulliit: 160 mm.
- 5) Saarulliusaat aamma avaleraasartuut: 50 mm.
- 6) Ammassassuit: 32 mm.
- 7) Eqalukkat, putooruttut, ammassat qaleruaqanngitsullu: 32 mm.
- 8) Raajat: 40 mm.

Imm. 6. Saattuarniarnermi pullatit kisimik ator neqartassapput. Pullatini affarmik nigartanut nigartat minnerpaaffissaat tassaavoq 70 mm.

Imm 7. Uiluinnik aalisarnermi, katersinermi imaluunniit kiliuinerni nigartat ator neqartut qitermikkut sanimut napillugit minnerpaamik 80 mm-erini takissuseqassapput imaluunniit aqajaruiniittut.

Imm. 8. Aalisarnermi ator tut imm. 1-miit 7-mut naapertorlugit ator neqartunit nigartakinnerusut angallammiitinnegassanngillat, taakkua qajannaarlugit aalajanger neqarsimanngikkunik imatullu ittujaarneqarsimanngikkunik ajornanngitsumik tigullugit ator neqarsinnaajunnaarlugit.

Imm. 9. Imm. 1-imit imm. 7-imut nigartat minnerpaaffissaattut taaneqartunik minnerusunik aalisaatinik atuineq inertequtaavoq.

Atortut qalorsuarnut aalajangikkat

§ 18. Raajarniarnermi immikkoortiterissutit ator neqassapput annerpaamillu paakkarutai 22 mm-inik akuttussusillit, takuulli imm. 2. Immikkoortiterissutit aalajangersimasumik iluseqassapput sananeqaataallu allannguajaatsuussalluni, imalu ikkunneqassallutik aalisakkanik saniatigut pisanik sapinngisamik pitsaanerpaamik immikkoortiterisoqarsinnaanngorlugit. Immikkoortiterissutini paakkarutit akuttussusissaat nalunaarummut matumunnga ilanngussami 2-imi taaneqartutut uuttortarneqassapput.

Imm. 2. Tunumi raajarniarnermi immikkoortiterissutini paakkarutit akuttussusissaasa anginerpaamik 28 mm-tut akuttussusillit ator neqarsinnaanerini Aalisarnermut Naalakkersuisup qinnuteqaateqartoqarnerani akuersissuteqarnermik nalunaaruteqarsinnaavoq. Akuersissut aalisarsinnaanermut akuersissummi atuutsinneqartumi ersersinneqassaaq. Akuersissut ukiumut pisassiiffusumut ataatsimut atuuppoq. Misiliutaasumik ukioq 2029-ip naanissaata tungaanut qinnuteqaateqartut tamarmik akuersissuteqarfigineqassappat, Tunumi raajarniarnermi piumasaqaataasut allat tamarmik suli atuutsiinnarneqassammata.

Imm. 3. Nigartaqqortussutsit pillugit § 17-imi aalajangersakkat apeqqutaatinnagit ator tulersuutit imm. 6-mit 8-mut taaneqartut qalorsuit qulaatungaannut taamatuttaaq ata tungaannut ikkunneqarsinnaapput nungullarsaaneq annikillilerniarlugu imaluunniit qalorsuit ninngunerulersinniarlugit.

Imm. 4. Raajanut qalorsuit assakaasorsuinik nikittartunik minnerpaamik 72 cm-inik kalunnernik nivingatitalinnik ikkussiffigineqarsimassapput. Assakaasorsuit aalajangikkat inertequtaapput.

Imm. 5. Raajanik kilisannermi qalorsuit eqqarsaatigalugit bobbins-inik atuineq inerteqqutigineqarpoq. Taamaattoq ajornartitaanngilaq qalorsuit ammanerisa saneraanni assakaasorsuarnik nikerarsinnaasunik sisaasut atuinermik aallarniinissaq naggasiinissarlu, soorlu aamma ajornartitaanngitsoq assakaasorsuit akorngini takissutsini tamani assakaasorsuarnik sisammik ataatsimik ikkussisarnissaq. Assakaasorsuit sisaat ikkutut qitermikkut sanimut napillugit silissutsimikkut uuttuutaat assakaasorsuit ikkutut qeqqatigut tukimut uuttuutai assigissavaat. Affarmik ulamerta gummimik sanaat siakkilinuut svirvilinullu illersuutit ator neqarsinnaapput.

Imm. 6. Atortup affaani kingullermi qalussianik qajannaallisaatinik (aqajaruani silarlermi) ataasiinnavinnik ikkussisoqarsinnaavoq. Qalussiat qajannaallisaatit nigartaat minnerpaamik (aqajaruani ilorlermi) nigartaannit marloriaammik angissuseqassapput. Qalussiat qajannaallisaatit kaajallallugit nigartussusiat aqajaruata ilorliup kaajallallugu nigartussusianit annerussaaq.

Imm. 7. Marlunnik arlalinnulluunniit qalunik qaloortartunik atuilluni aalisarnermi akorngi assakaasutut iluseqassapput immap naqqani ingerlasartumik.

Imm. 8. Atortut suugaluartulluunniit, ilaatigut tingerlaatissiaq, allungiartorfissiat, qalussiallu ilanngullugit, (nungullarnaveeqqutitut) qalorsuit ataannut affaannut kingullermut ikkunneqarsinnaapput. Nungullarnaveeqqutit sukkulluunniit qalorsuit kaajallallugit affai sinnerlugit qallersimassanngilaat.

Imm. 9. Qalorsuit pisaqarsinnaassusiat pitsaanerulersinniarlugu qaartuunnginnissarlugu pinaveersaartinniarlugu akuerisaavoq qalorsuarnut kipparissunik (sisamanik teqeqqulinnik) illersuutiniq ikkussisinnaaneq aalisarnermut pineqartumut nigartakinnerpaatut atuuttup assinganik nigartaqqortussuserlugit, §17 naapertorlugu. Qalorsuarnut illersuutit imatut ikkunneqarsimassapput qalorsuit sinnerini allani pisaqarsinnaassuseq minnerulersinneqassanani.

§ 19. Qalorsuarnik saarullinniarnermi aalisakkanilluunniit assigisaannik kilisannermi nigartat T90-it atorneqaqqusaapput, ilanngussaq 2 naapertorlugu, imaluunniit aalisarnermi pineqartumi minnerpaamik nigartaqqortussusiisa assinginik nigartallit atorneqarsinnaapput, § 17 naapertorlugu. T90-ini atukkatut ikkussat qalorsuit sinnerini saniatigut pisaqarsinnaanerit annikillissinnagu ikkunneqassapput.

Imm. 2. Qalorsuarnik ikerinnarsiutiniq aalisarnermi allunaasarsuit nigalinngukkat qajannaallisaatitut qalorsuit ilaannut atorneqarpata taakkua qalorsuit kaajallallugit annerpaamik 40%-ianit naannerunngitsut atorneqarsinnaapput (nigartat amerlassusaasa nigartussutsimik amerlisarlugu uuttuutigineqassaaq). Allunaasarsuit nigalinngukkat taamaattut akornanni akuttussuseq minnerpaamik 1 meteriussaaq. Allunaasarsuit nigalinngukkat taamatullu qalussiat qajannaallisaatit (aqajarua qalleq) ataatsikkut atorneqarpata rundstoppit aqajaruanut ilorlermut taamaallaat ikkuteqqasarsinnaapput. Allunaasarsuit nigalinngukkat qajannaallisaatitut qalorsuit ilaannut atorneqartut qalorsuit kaajallallugit 60 pct-ianit naannerit atorneqartillugit nigartaqqortussutsimut 140 mm-inik minnerpaaffeqarnissaat piumasaqaataavoq.

§ 20. Atortussiat atortullu §§ 18-imi aamma 19-imi taaneqanngitsut kilisannermi aalisarnermi atorneqaqqusaanngillat.

§ 21. Aalisarnermut Naalakkersuisoq aalisarneq immikkoortitsinerusoq, mianersornerusoq imaluunniit nutaaliortinerusoq qulakkeerneqarnissaa siunertaralugu sakkut aqqissuussinerillu nutaat ineriartortinnissaanut misiligarneqarnissaallu siunertaralugu qinnuteqartoqarneratigut kapitalimi matumani aalajangersakkaniit immikkut akuersisinnaavoq.

Imm. 2. Aalisarnermut Naalakkersuisoq qinnuteqaatip imarisaanut piumasaqaatinik aalajangersaasinnaavoq, tassunga pingaartumik ilanngullugit sakkut aqqissuussinerilluunniit immikkoortiterisinnaassusiat mianersorsinnaanerilu pillugit paasisutissanut tunngasut.

Imm. 3. Aalisarnermut Naalakkersuisoq immikkut akuersinermik nalunaaruteqarnissamut piumasaqaatinik aalajangersaasinnaavoq, tassunga ilaatigut ilanngullugit sumiiffitsigut, piffissatigut annertussutsikkullu killiliinerit, misiligitissanik tiguserit aamma nalunaarusiorneq.

Imm. 4. Immikkut akuersinissamut piumasaqaatinik nalunaarutigneqartunik unioqqutitsisoqarpat imaluunniit eqqortitsisoqanngippat immikkut akuersisimaneq Aalisarnermut Naalakkersuisumit utertinneqarsinnaavoq.

Katersiviit angallatillu uumatitsiviit atorneri immikkut pillugit

§ 22. Aalisakkanut katersivinnik atuineq uumasunut illersorneqarsinnaasumik atorneqassapput. Ingerlataqartoq ima iliussaaq:

- 1) aalisaatit qajassuussisut taamaallaat atussavai,
- 2) uumatitsiviit aamma angallatit uumatitsiviit, aalisakkap qasuersersinnaanissaa ajornaquteqanngitsumillu aalasinnaanissaat qulakkeerlugu angissusilissavai ilusilerlugillu,
- 3) uumatitsiviit mingutsitsinngitsumut inississavai, taamaalilluni atugarliortitsineq pitsaaliorneqarluni,
- 4) aalisakkat uumatitsivimmitinneri sivisoorsuunnginnissaat kiisalu pisariaqanngitsumik amerlasoorujussuunngortinnginnissaat qulakkiissavai, taamaalillutik pisariaqanngitsumik sanigorserneri ajoqusiinerillu pitsaaliortilugit.
- 5) bundgarninit uumatitsivinnut aalisakkat nuunneri ima sukkassuseqassasut, aalisakkat naqitsinermut nalimassarnissaminut periarfissinneqartassallutik,
- 6) atugarliortoqartillugu tisanissaat, nerisinnissaat imaluunniit uumatitsivimmit anisinnissaat qulakkiissavai, aamma
- 7) aalisakkanik uumatitsivimmi 30.000 kg-nit oqimaannerit ullormut takusartarlugit.

Imm. 2. Uumatitsiviit kuuffissuit kuuffiannut, akuutissanik mingutsitsiviusunut, silaannartaqarpianngitsunut, uuliamik mingutsitsiffiusumut imaluunniit annerusumik imaq tarajoqarpianngitsunut aarlerinaateqartunut inissinneqassanngillat.

Imm. 3. Angallatinik uumatitsivinnik atuineq uumasut illersorniarlugit inissinneqassapput aamma pumpit ima iluseqartinneqassallutik aalisakkanik nuussinerit ajoqusiinani pisinnaassallutik.

Imm. 4. Angallatinik uumatitsivinnik atuisut qaqugukkulluunniit nakkutilliisunut ilisimatitsissutigisassavaat sumi inissinneqarsimaneri katersivinnullu uumatitsiviit piginnittui imaarsinissamik isumaqatigiissuteqarsimasut pillugit.

Aalisariaatsit ilaasa inerteqqutaanerat

§ 23. Qaartartut, aallaasit kaattallu naqitsinermik kaattaalluni atorneqartartut allallu anaartaatit kiisalu akuutissat toqunartullit, ilisimajunnaarsitsisartut arrortitsisartullu aalisarnermi atoqqusaanngillat.

Imm. 2. Innaallagissamik atortulerluni aalisarnek immikkut ittumik Naalakkersuisunit akuerineqarsimatinnani atoqqusaanngillat.

Imm. 3. Qassutit tissukartittakkat atorneqarnissaat inerteqqutaavoq.

Imm. 4. Aalisakkanik ornigutsitsiniarluni atortunik kisakkanik tissukartitanilluunniit atuineq inerteqqutaavoq.

Atortut aalajangersimasut atorneqaqqusaanngitsut

§ 24. Atortut pisanik angallammiit toqqaannartumik eqqaanermut atorneqarsinnaasut inerteqqutaapput.

Imm. 2. Usilersorfinnit kuuffit annerpaamik 10 mm-inik akunneqartillugit imaluunniit 15 mm-inik qeqqatigut tukimut napillugu ikertussusiata uuttuutaanik putoqartillugit ungaluusanik aalajangerlugit svejsikkanik nakkartitsiveqassapput.

Imm. 3. Angallammi imermik immikkoortiterummi ungaluusat akuttussusiat annerpaamik 10 mm-iussaaq. Ungaluusat aalajangerlugit svejserneqassapput. Imermik immikkoortiterummi putut atorneqarpata, qeqqaniit sanimut uuttuutaa annerpaamik 10 mm-ssapput. Imermik immikkoortiterutini sisutitsivinni putut annerpaamik qeqqaniit sanimut 15 mm-ssapput.

Imm. 4. Pisat angissusaannik angallammi immikkoortiterinermut atortut inerteqqutaapput.

§ 25. § 24, imm. 4-imi inerteqquteqarneq angallatinut pisaqareernerup kinguninngua pisanik qerititerisartunut atuutinngilaq. Pisat angissusaat malillugit immikkoortiterneqariarpata qeritinneqassapput.

Imm. 2. Aserorterivimmik pisanik tuggaasinnaasumik sequtserisinnaasumilluunniit atuinissaq inerteqqutaavoq. Angallatit aalisakkanit qajuusaasianik tunisassiorsinnaasut, tankip uninngatitsiviup aalisakkanillu qajuusaasiorfiup akornanni ikkutamik aserorterummik atuisinnaapput.

Imm. 3. Aalisakkanit qajuusaasiat pisanit suliareqqiinermi peerneqartunit imaluunniit pisatut akornutilittut angallammi tunisassiarineqanngitsut suliarineqanngitsutulluunniit atorlugit taamaallaat tunisassiarineqarsinnaapput.

Aalisarnermut atortunik nalunaaqutsersuineq

§ 26. Aalisarnermi atortut uumatitsiviillu umiarsualivissineri ilisarnaataanik nalunaaqutsersimassapput. Ilisarnaatit imaassapput:

- 1) ersarissumik atuaruminartumik aamma atortut masammit pitarneqarsinnaassanngillat,
- 2) qassutini kivisittakkani nalunaaqutsiussat qimiaanut aalajangerneqassapput,
- 3) ningittakkanut nalunaaqutsiussat ningittakkanut namminernut aalajangerneqassapput,
- 4) qalorsuit pingaarnertut allunaasamut aalajangerneqassapput, aamma
- 5) immap naqqanut tutsittakkat aamma pullatit nalunaaqutaat atortup sinaakkutaanut qullermut aalajangerneqassapput.

Imm. 2. Atortut imm. 1-imut naapertuuttumik nalunaaqutsersimanngitsut angallammi uninngatinneqaaqqusaanngillat assartorneqaaqqusaanatillu.

Imm. 3. Atortut uninngatittakkat tamarmik atorneqarnerminni imm. 1-mi paasissutissat allassimasut naapertorlugit puttaqutimikkut nalunaaqutsersorneqartassapput.

Imm. 4. Puttaqutit immikkut imm. 1-mi allassimasut naapertorlugit nalunaaqutsersorneqassapput.

Imm. 5. Kalaallit Nunaata aalisarnikkut oqartussaaffigisaani tunngaviusumik killeqarfimmiit 3 sœmilip iluani aalisarnermi, aalisarnermi atortut uninngasut ilanngussami 7-mi aalajangersarneqartutut nalunaaqutserneqarsimassapput.

Imm. 6. Kalaallit Nunaata aalisarnikkut oqartussaaffigisaani tunngaviusumik killeqarfimmiit 3 sœmilip avataani aalisarnermi, aalisarnermi atortut uninngasut ilanngussami 8-mi aalajangersarneqartutut nalunaaqutserneqarsimassapput.

Aalisarnermik atortut annaasat qimaannakkallu

§ 27. Aalisarnek unitsinneqavissorpat Aalisarnek pillugu inatsimmi § 21 naapertorlugu, imaluunniit utaqqiisaasumik unitsinneqarpat, aalisartup atortuni tamaasa erngerluni qaqissavai, atortut qanorissusaat apeqqutaatinngu.

§ 28. Sakkut siunertarineqanngitsumik annaasaqarnernut sapinngisamik pitsaanerpaamik qulakkeerneqarsimaneri ingerlataqartumit isumagineqassapput. Sakkut pissutsini ajornartuni qaqinneqarsinnaanerinik qulakkeerisunik sakkut pisariaqartumik naaneqartumik allunaasalerneqarsimassapput allunaasaalerneqarsimallutillu.

Imm. 2. Angallatit aalisarnermi atortunik annaasanik qaqitsinermut atorineqarsinnaasunik nassataqartuaannaassapput.

Imm. 3. Angallatip naalagaata aalisarnermi atortunik aalisarnermiluunniit atortut ilaannik annaasaqartup, atortunik annaasaminik sukkanerpaamik qaqitsiniassaaq.

Imm. 4. Atortut ilassimasut nammeneq sakkut kipinerisigut avissaartinneqassapput.

§ 29. Angallatini pisanik naluaarsuisussaatitaasuni aquttup atortut annaasat pillugit nalunaaquttap akunneri 24-t iluini KANUAPNA aamma pisanik allattaavimmut makkunaannga nalunaaruteqassaaq:

- 1) Angallatip aqqa radiokkullu attaveqartilluni ilisarnaataa.
- 2) Aalisarnermi atortut annaaneqartut suussusaat.
- 3) Aalisarnermi atortut annaaneqartut amerlassusaat annertussusaalluunniit.
- 4) Ulloq annaasaqarfik aamma nalunaaqutaq qassinut pisimanersoq.
- 5) Sumiiffik kingullertut ilisimaneqartoq atortunik annaasaqarfusoq.
- 6) Iliuutsit atortunik qaqitsiniarnermi iliuuserineqarsimasut.

Imm. 2. Kingorna aalisarnermut atortut taakkuluunniit ilaat qaqinneqarpata, aalisartulluunniit allap aalisarnermut atortut nalunaaqutserneqanngitsut qimaannakkat qaqippagit, qaqinnerannit nalunaaquttap akunnerisa 24-t iluini tullinnguuttut KANUAPNA-mut nalunaarutigineqassapput:

- 1) Angallatip atortumik qaqitsisup aqqa radiokkullu attaveqartilluni ilisarnaataa.
- 2) Angallatip atortunik annaasaqartup aqqa radiokkullu ilisarnaataa.
- 3) Atortut qaqinneqartut suuneri.
- 4) Atortut qaqinneqartut amerlassusaat annertussusaalluunniit.
- 5) Ulloq atortunik qaqitsiffik aamma nalunaaqutaq.
- 6) Sumiiffik atortunik qaqitsiviusoq.

Imm. 3. Aalisarnermi atortunik annaasaqarnermi aalisarnermik nakkutilliisoqarfup naalagaaffik sinerialik imaluunniit Nunarsuup Immikkoortuani Aqutsinermi Suleqatigiiffik nalunaarfigisinnaavai.

Imm. 4. Angallatinut pisanik nalunaaruteqartussaataitaanngitsuni aquttut, atortut annaasat tulaassivigisartagaq aqutugalugu KANUAPNA-mut nalunaarutigineqartassapput.

§ 30. § 27 naapertorlugu aalisarnermut atortut aalisarnerup unitsinneqarnerata kingorna piaartumik qaqinneqanngitsut oqartussanit qaqinneqarsinnaapput. Piginnittup akiligaanik qaqitsisoqassaaq.

Imm. 2. Qassutit aalisarnerup unitsinneqarnerata kingorna ullut arfineq-marluk kingorna qaqinneqarnikuunngitsut qassutinik uninngatitsiinnartoq kinaassusersineqarsinnaanngippat inunnit namminerisamik qaqinneqarsinnaapput tigummiinnarneqarlutillu.

Qaleralinniarneq immikkut pillugu

§ 31. Aalisarnermut Naalakkersuisoq qassusersorluni aalisarnek § 4, imm. 5 malillugu inerteqqutaanngitsut pillugu killilersuinerimik aalajangersaaffigisinnaavaa, matumanilu piffissami aalisarnerup unitsinnera. Taamatut aalajangiinermi pisassiissutit piffissami tassani atuuttut immikkut isiginiarneqassapput kiisalu pisat pitsaassusiisa qulakkeernissaat isiginiarneqassalluni.

§ 32. Qaleralinniarnermi atortoq atortunut allanut minnerpaamik 50 meterinik ungasissusilerlugu inissinneqassaaq.

Saattuarniarneq immikkut pillugu

§ 33. Ilanngussaq 9 naapertorlugu pullatit tamarmik allunaasaaqqamik arrortinneqarsinnaasumik qimaaffissiartalersorneqassapput.

§ 34. Pullatit aalisarnermi atorneqartinnatik immamiisinneqaqqussaannngillat.

§ 35. Pullatit uiuleriiaani ataasiakkaani tamani amerlanerpaamik 100-uussapput.

Kapisilinniarluni aalisarneq immikkut pillugu

§ 36. Qarsorsat imaluunniit qassutit 45 meterit sinnernagit takissusillit atorlugit taamaallaat kapisilinniarluni aalisartoqaqqusaavoq.

Imm. 2. Qassusersorluni kapisilinniarluni aalisarnermi:

- 1) akuersissut ataaseq amerlanerpaamik ataatsikkut qassutininik 20-inik atuiffioqqusaavoq,
- 2) qassutit uiuleriiaani ataasiakkaani atasuni amerlanerpaamik qassutit tallimat atorneqaqqusaapput,
- 3) nigartat uuttuutaasa tasillugit minnerpaamik 140 mm-ussapput,
- 4) qassutit uiuleriiaat akuttussusaat minnerpaamik 30 meteriussapput, aamma
- 5) qassutit kuullu akua tininnerpaaffiani minnerpaamik 500 meterimik ungasitsigisumiissapput.

Kapisillit kuuata eqqaani kapisilinniarluni aalisarneq immikkut pillugu

§ 37. Kapisillit Kuuata akuanit 1000 meterinit qaninnerusumut qassuserneq inerteqqutaavoq.

Imm. 2. Kapisillit Kuuata akuanit 50 meterinit qaninnerusumi aalisaatit suulluunniit atorlugit aalisarneq inerteqqutaavoq, qissattaat oqummersalik kisiat atorlugu aalisartoqaqqusaalluni.

Imm. 3. Qissattaammik oqummersartalimmik Kapisillit Kuuani aamma tatsit tassunga atasuni taamaallaat aalisartoqaqqusaavoq.

Kapitali 5

Nalunaarutit

§ 38. Nalunaarummi uani pissutsinut tunngatillugu nalunaarutigineqartut Aalisarnermut naalakkersuisoqarfimmit oqartussaaffimmut akisussaasumit tamanut nalunaarutigineqassapput, taakkunungalu ilaavoq Naalakkersuisut nittartagaanni nalunaaruteqartarneq.

Imm. 2. Nipisanniarneq pillugu piffissaliineq pillugu nalunaaruteqartoqassaaq aqutsiveqarfimmi pineqartumi nipisanniarnerup aallartinnginnerani kingusinnerpaamik sapaatip akunnera ataaseq sioqqullugu.

Kapitali 6

Pineqaatissiissutit

§ 39. § 4, imm. 1, 2, 4 imaluunniit 6, § 5, imm. 3, oqaaseqatigiit aappaat, § 6, imm. 1, oqaaseqatigiit siulliat imaluunniit imm. 2, § 7, § 9, imm. 1, § 10, imm. 1 oqaaseqatigiit pingajuannik imaluunniit imm. 3, § 11, imm. 2 imaluunniit imm. 4, § 12, § 14, imm. 1 imaluunniit 2, § 16, oqaaseqatigiit siulliat, § 17, imm. 8 imaluunniit imm. 9, § 18, imm. 1 imaluunniit imm. 4 imaluunniit imm. 5, oqaaseqatigiit siulliat imaluunniit oqaaseqatigiit pingajuat imaluunniit imm. 7, § 19, imm. 2, § 20, § 22, imm. 1-4, § 23, imm. 1-4, § 24, imm. 1-4, § 25, imm. 1-mi oqaaseqatigiit aappaanni imaluunniit imm. 2, oqaaseqatigiit, § 26, § 27, § 28, imm. 1, imaluunniit imm. 2, § 29, imm. 1-2, imaluunniit 4, § 32-35, § 36, imm. 1-2, § 37, imm. 1-3-mik unioqqutitsisunut Kalaallit Nunaanni pinerluttulerinermut inatsimmi maleruagassat naapertorlugit akiligassiisoqarsinnaavoq. *Imm. 2.* Nalunaarut manna malillugu malittarisassanik, peqqussutitut, Naalakkersuisut imaluunniit kommunalbestyrelset aalajangersagaat piumasaqaataallu pillugit § 8, imm. 2, § 10, imm. 4 aamma 5, § 13, imm. 1, § 15, imm. 1, § 18, imm. 2, § 21, imm. 2-3 aamma § 31 naapertorlugit aalajangersagaat pillugit

unioqqutitsisunut, Kalaallit Nunaanni pinerluttulerinermut inatsimmi maleruagassat naapertorlugit akiligassiisoqarlunilu arsaarinnittoqarsinnaavoq.

Kapitali 7

Atuutilersitsinermut atorunnaarsitsinermullu aalajangersakkat

§ 40. Nalunaarut ulloq septembarip 15-ani 2026 atuutilissaaq.

Imm. 2. Peqatigitillugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 72, 4. november 2025-meersaq atorunnaarsinneqarpoq.

Namminersorlutik Oqartussat, ulloq 31. august 2026

Peter Borg (atsior.)

Aalisarnermut, Piniarnermut, Nunalerinermut Imminullu Pilersornermut Naalakkersuisoq

/Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut